

սութիւնները դեռ յայտնի չէին մեր գիտական աշխարհում, ես...

— ...Սօրբոնը աւարտելուց յետոյ իմ ուշադրութիւնս դրաւեց հայ ժողովրդական վէպը: Այստեղ, թոյլ եմ տալիս ինձ մտնել շատ բնորոշ եւ ըստ ինձ վերին աստիճանի կարեւոր մի մանրամասնութեան մէջ: Դուք գիտէք, որ...

— ...Այդ ուսումնասիրութիւնս աւարտելուց յետոյ, ես եկայ այն եզրակացութեան, որ բառերի արմատները ուսումնասիրելու ժամանակ դիտնականները աչքի չէին առած կարեւորագոյն մի հանգամանք... Վերջնէնք մի օրինակ բնութիւնից: Յայտնի է որ Սիամի ինչ ինչ բոյսերը...

Նախագահի մօրուքը ծանրացել է: Կարծես մէկը բռնել քաշում է: Վերը դրուած փոքրիկ շոգիի մեքենան մտել էր գլխի մէջ եւ թփ, թփ, թփ ձայնում էր: Մշտնջի նման մի բան: Քանի քանի անգամներ ուժ արաւ ուղեղը տեղը բերել, դոնէ ձեւի համար մի հարց տալ, բայց չլաջողեց: Մեծ յոյսեր ունէր նախկին Դաշնակցական նախարարի վրայ, բայց նա էլ «հայ իրաւունքի» միակ մասնագէտն էր եւ առայժմ նպատակադարձար չէր նրա անցեալը վերլուծել:

Օրիորդները գրչի կոթը դրել էին շրթունքի վրայ, իրեւ մեծ ուշադրութեան եւ նաեւ մտածողութեան նշան: Սակայն, կամաց կամաց կոթերը բերանը մտան եւ ակոսների մէջ խաղացին: Մի ժամ յետոյ կատաղի կրծում էին նոյն այդ կոթերը, երբ այբուբենի շարքով նախագահը հրաւիրեց ոտքի կանգնել Պետական Համալսարանի դռնապանը եւ իր կինը: Ուղեւ գաղթականներ: Հինգ ամիս է ծառայում են, խղճամիտ... Ողճամիտ: Նախագահը արթնցաւ, ձայնը բարձրացրեց, յարձակուեց:

— Ասում են մարդակազմութեան սրահի դիակները տալու ժամանակ նրանց շորերը գողացել էք: Բակը անմաքուր է, կտրած ոտքեր են տեսնուել, վարիչի կառքի ձիին ոտքը ձեր պատճառով կոտրուել է...

— Գողացել եմ... գողացել եմ... Դիակները ի՞նչ շորեր ունեն որ... մեծ մասամբ պատուաւ ցնցոտիներով մուրացկաններ են. կամ խուժան... Այո՛, խօսք եղաւ երկար մօ-

րուքով ծերունի դիակի մասին, բայց մենք չենք, այլ ուսանողները... տաքաւոր տարել էին, որովհետեւ դեռ պատուած չէր, ասին՝ տանենք հագնենք... Իսկ որ բակում ոտքեր են տեսնել՝ նա էլ ուսանողներն են, գրպանն են դնում, տանում տուն, եփում ու ոսկորը սերտում...

— Դիակը լուալու համար սապոն չեն տալիս... Թէ որ ձին ոտքը դարկել է քարին, ես ի՞նչ մեղաւոր եմ... Տեղիովին հարիւր անգամ ասացինք...

Շիշէ պնակները մէջ օձերը սկսում են շարժուել: Թիթեռնիկները որդեւ դառնում, իսկ —

Այնտեղ Երաժշտանոցում

Տիկինը սեղմում է իր լարուած ջղերի ճազ-բանդը, թոքերը լեզուի տակ թափ տալիս, դոյնը մոմակալի մէջը դնում, մատերը դալարում ու հայերէն հարցերին ուսուերէն լեզուով պատասխանում:

— Բարձրագոյն երաժշտական մշակոյթ... մեծ պրոֆեսորների հիացում, Հայաստանի միակ սօսըրանօ... Եւ, ինտրիգներ, երբեք... դրսից եկող երգչուհիներին մենք երբեք դաշնամուր չենք մերժած... Ինչպէ՞ս, ե՞րբ... Մենք աշակերտներ չենք զրկած որպէսզի սուրեն... չենք ստիպած մեզ ծափահարել... Դրանք զգալի պարտութիւններ են... Երաժշտանոցի հաշուին ինձ համար ծաղկեփունջ... Երբ Պետերբուրգ էի, իմ պրոֆեսորներս հիացում էին, հիանում էին, հիա...

Տիկնոջ դոյնը սեւանում է, աչքերը փակւում են, բարձր ծիծաղում է: Զո՛ւր, Զո՛ւր... «Ես, ես»... վայր է ընկնում Զուժակահարի թեւերի մէջ... Զուր, Զո՛ւր...

* * *

Կէս գիշեր է:

Տները խաւարին դէմ են տուել իրենց պատուհանները ու բոլորուել են անհանգիստ երազների շուրջ:

Փողոցում ոչ ոք չկայ:

Կ. Կէնի շէնքից, ուրուականի նման, դուրս է սողում մի էակ: Երկու ոտքերի վրայ քայլող մի տեսակ գորտ: Կարճահասակ: Բարձր ուսերի արջանի տակ սեղմուած վիզ: Մեծ, տնկուած գլուխ՝ տափակ, հեծանիւի գլխարկի